

# 1 XUUA

## Ná n'da ra sɔcuɔ bi 'yo't'a rá 'bäiui ra Jesucristo ra Xuua

Ram Hma ngue di 'dajɔ ra 'da'yote

**1** Nu'a mí 'bɛ 'bɛ rá mbɛdi  
thoho, gue'a dá hɛthe ma dāhe,  
ne dá øhmbe a bi ma, ne dá nuhe  
xɛn ho, ne dá thāhmbe ma 'yɛhe.  
Ne gue'a ra Jesucristo a, rām Hma  
Ojɔ ngue bi ma di 'dajɔ ra 'da'yote.  
<sup>2</sup>Nguetho nu'a di 'dajɔ ra 'da'yote  
bin 'yuse gue bin ja'i, ne dá nuhe,  
janangue'a dí mamhbe majuaɔni  
a bin ja, ne dí xi ahɛ ya gue zai  
xmí 'bɛi ne zai dim 'bɛi. Mam bí  
'bɛhmi rá Ta nguetho n'dat' Ojɔ a,  
ne bin 'yuse ua dí 'bɛhmbe. <sup>3</sup>Ne  
nu'a dá nuhe ne dá øhmbe a bi  
ma, gue'a dí xi ahe a ya, n'dahma  
ne'ahɛ gui pɔhmhɛ a, ne gátho dan  
yamanhohɛ a ra Ta ne rá Ts'unt'ɛ  
ra Jesucristo. <sup>4</sup>Guehna dí ot'ahɛ  
na ya, n'damhma ne'ahɛ din ja ahɛ  
ran johya xɛn ho.

Nu Ojɔ ran Nequi a

<sup>5</sup>Nu'a Ojɔ ran Nequi a, nde da ma  
xɛn hotho a, ne hin'yɛ ra 'bɛxui  
nangue'a. Ne gue'a ram hma bi xije  
ra Jesucristo, ne gue'a dí xi'ahɛ a  
ya. <sup>6</sup>Sá dí ɛmhɛ dí yamanhohɛ ra  
Jesús, pe nu'bu guexta'a dí 'yohɛ

bu ja ra 'bɛxui, dí fehniɛ 'bɛ,  
nguetho hín dí øthɛ a rán säui a  
majuaɔni. <sup>7</sup>Pe nu'bu majuaɔni dí  
'yohɛ bu ja ran nequi gueɛ 'bɛ  
Ojɔ, hin'yɛ 'bɛ'a ga ɔhmbe bu, ne  
dí yamanhohɛ a 'bɛ, ne nu rá ji ra  
Jesús rá Ts'unt'ɛ Ojɔ, thocpa thoho  
i thugahɛ gátho ma ts'oquiɛ a.  
<sup>8</sup>Pe nu'bu sä dí ɛmhɛ hin'yɛ gahɛ  
ra ts'oqui, dadín hyäzehɛ 'bɛ,  
nguetho hin dá cɛ't' ma mbɛiɛ  
a majuaɔni. <sup>9</sup>Pe nu'bu ga mamhɛ  
ma ts'oquiɛ, gue hingui ho dá  
øthɛ, da zä di pungahɛ Ojɔ nangue  
ra Cristo bi gut'i, ne da mbercahɛ  
gátho ran ts'o, tengu mím ma. <sup>10</sup>Pe  
nu'bu sä dí ɛmhɛ hin te dá øthɛ  
yɛ ts'oqui, dí nubethaniɛ Ojɔ 'bɛ,  
nguetho bi 'yɛn Ojɔ gátho bi 'yɔt'  
yɛ ts'oqui. Pe xíngui ts'ɛ dí cɛ't' ma  
mbɛiɛ rām hman a 'bɛ.

Ma hocpatehɛ a ra Jesucristo

**2** Ma zi t'uhni ahɛ gue dyɛ  
'yɛc'yɛiɛ, dí ot'ahɛ ra sɔcuɔ  
i ja ua, dadí hec'ahɛ hin gui 'yøthɛ  
yɛ ts'oqui. Pe nu'bu ga øthɛ n'da  
ra ts'oqui, gue him majuaɔni dí  
numanhohɛ, pe dí 'bāhmbe ma  
Hocpatehɛ din hocpauɛ bu 'bɛh

ra Ta, ra Jesucristo, ra Hocja'i a. <sup>2</sup>Nguetho guese a ran t'unni a di hoga ma ts'oquihü. Ne hinga hõngdahü in nde di hogahü, pe gätho yu ts'oqui ja ua ja ra ximhäi in nde di hoqui nangue bi du ra Cristo. <sup>3</sup>Nu'bu majuañi dí øthü ü yün t'edi Oja, da zä ga pãhmbü gue dí yamanhohü a buya. <sup>4</sup>Pe sä ãn i 'da: "Dí paçä Oja," ãn ü, pe fehni ü ne hingui ørpa yün t'edi, ne hin di cü't' rá mbüi a majuañi. <sup>5</sup>Pe nu'bu i øt'a man Oja n'da, hinga ndetho bi huçc Oja n'da 'bü, pe bi bõmanho a bi 'yørpe. Ga xi ahü ya 'bepü dán zä ga pãhmbü 'bü majuañi dí 'bühmbü a ra Cristo. <sup>6</sup>Nguetho nu'bu ãn'a n'da gue i 'bühmi ra Cristo, "jatho ga øt'ä tengu bi 'yøt' ra Cristo," da 'yense 'bü. <sup>7</sup>Ma zi cu ahü, nu ran t'edi dí ot'ahü gue dan huçjü, him ma'da'yo a, pegue guet'a ram hma mbüdi bi siju maya'bü, 'bü ra mbüdi thoho dá pãhmbü ra Cristo. <sup>8</sup>Pegue tengu 'bü ma'da'yo a, nguetho janaguehya dí øthü ya tengu bi 'yøt' ra Cristo. Nguetho bi dü'mi di 'uegahü ra 'bexui ma mbühü ra nyot'i majuañi. <sup>9</sup>Nu'bu sä ãn'a n'da i 'büpü ja ran nequi, ne i san rá cu, pe guexta bü ja ra 'bexui i 'bü 'bü. <sup>10</sup>Ne nu'a to'o di huçc rá cu, bin çam bü ja ran nequi a, ne nu'a hin hapü da ðanc'a. <sup>11</sup>Pe nu'a to'o san rá cu, i 'büpü ja ra 'bexui a, ne i çam bü. Hingui sä da baði nda'a xun ho, nguetho bi 'berpa ran 'yomfëni a ra 'bexui. <sup>12</sup>Dí ot'ahü ma zi t'ühni ahü, nguetho dí paði xü pun'na ni ts'oquihü, bi hoc'ahü ra Cristo. <sup>13</sup>Ne nuya 'da ahü dyü ðaç'yëihü, dí ot'ahü nguetho dí paði guí pãhmbü a mí

'büi gue'bü rá mbüdi thoho. Ne 'da ahü gyü ts'ünt'ühü, dí ot'ahü nguetho dí paði gá taçu ra zithu. Ne xø dí ot'ahü ya gätho ahü ma zi t'ühni ahü, nguetho gätho gahü dá pãhmbü ra Ta. <sup>14</sup>Ne xø dí ot'ahü, dyü ðaç'yëihü, nguetho dí paði gá pãhmbü a mí 'büi gue'bü rá mbüdi thoho. Ne xø dí ot'ahü gyü ts'ünt'ühü, nguetho dí paði i ja ni ts'edihü gá taçu ra zithu, nangue rá m hman Oja thocpa thoho guím bëmhbü. <sup>15</sup>O guídí hohü rá pähä ra ximhäi, gue hin gui 'yøt' ni pähä zehëhü. Nguetho nu'bu dadí ho ma pähä zehëhü, hin dadí hohü Oja 'bü. <sup>16</sup>Nguetho nu'ü yú pähä ra ximhäi, gätho him bi zän Oja ü, 'be'a gä di ho ní ngøc'yëi n'da, ne ní dä n'da di ho 'be'a gätho in nu nde da mbezehë, ne'bü im bëni jase rán 'yomfëni n'da. Pe nu'ü bi nequidä ua ja ra ximhäi ü tengu ü. <sup>17</sup>Pe nu ra ximhäi ní mba bü da guadi, ne'ü yün 'yomfëni ra ximhäi da gua'ü. Pe nu'ü ørpa rá pähä Oja, dim 'bumanho gätho yu pa mazai.

#### Ba ãh rán suiui ra Cristo

<sup>18</sup>Ma zi t'ühni ahü, rán zegui ya. Ne xtá øhmbü ngue di nequi n'da rán suiui ra Cristo. Ne nuya bi mbüdi bi nequi xun ngu yú mfäts'ihü a rán suiui ra Cristo. Janangue'a dí pãhmbü mbe rán zegui ya. <sup>19</sup>Ne gue'ü 'da xum bõngua dí 'bühmbü. Pe him majuañi ma mi'yëc'yëihü ü, nguetho nu'bü majuañi ma cuhü ü, hin xtá 'ue ü 'bü. Pe bi bøn'ü janangue'a bi 'yuse gue him majuañi ma cuhü ü gätho ü bi bõni. <sup>20</sup>Pe nu ahü bi 'dajü

rá Hogandáhi Oja a ra Cristo. Janangue'a gátho gahú dí pãhmbu nda'a majuãni. <sup>21</sup>Dí ot'ahú na, pe hin dí ɛn'i hin guí pãhmbu a majuãni. Pe guí pãhmbu a, ne guí pãhmbu hinguin 'youi ra fehni a majuãni. <sup>22</sup>Nu'a gue ɛna hing ra Cristo a ra Jesús, ɛ gue'a ra ngurpa fehni a, ne rán súiui Oja a, nguetho i ɛna hing rá Ts'unt'u Oja a ra Jesucristo, ne xíngui ɛc'yeiba a rá Ta búa. <sup>23</sup>Nguetho nu'a to'o hingui ɛc'yei ra Cristo rá Ts'unt'u Oja xínga gue'a Oja rá Ta i paði. Pe nu'a to'o ɛc'yei rá Ts'unt'u ne'a rá Ta i paɾpa a búa. <sup>24</sup>Ne nu'a 'be'a gátho dá øhmbu ra mbúdi dá pãhmbu ra Cristo, ga thoqui gam bẽmhbu a. Nguetho nu'bú dí thoqui dímb bẽmhbu a, zai dí 'bũhmbu a ra Ts'unt'u ne'a rá Ta búa. <sup>25</sup>Ne bi xijũ majuãni di 'dajũ ra 'da'yote gue i ja ya ne njãm'bũ da guadi. <sup>26</sup>Guehna dí ot'ahú na, nguetho 'bu i 'da in nde da hyã ahũ. <sup>27</sup>Pe nu ahũ, nu'a rá Hogandáhi bi 'dajũ ra Jesucristo bin zãm bũ ma mbũihũ a, ne gueɛ a i xãngahũ gátho 'be'a man Oja. Janangue'a him mahyoni to'o da xãngahũ yún thehũ. Ne nu'a i xãngahũ rá Hogandáhi Oja majuãni a, hing ra fehni a. Ne di bẽngahũ dan zãmhbũ bũ 'bũh ra Cristo. <sup>28</sup>Ne nuya ma zi t'ũhni ahũ, damin zãmhbũ bũ 'bũh ra Cristo, n'damhma dan johyahũ 'bu dá nuhũ ne hin ga pes' ma sãhũ. <sup>29</sup>Nu'bũ dí pãhmbũ gue xũn ho Oja, ngutho ga pãhmbũ gue bim 'bũi ma'da'yo nangue Oja u to'o gátho i øt' ran ho.

### Yú t'ũhni gahũ Oja

**3** Dyú 'yɛc'yɛihũ, gam bẽmhbu gue ɛmme xũn ngu rán huɛcate ra Ta, ngue bi 'yøt'e ngue yú t'ũhni gahũ a. Janangue'a hingui pajũ u i ten ra ximhãi, nguetho njãm'bũ mi pa Oja. <sup>2</sup>Ma zi t'ũhni ahũ, nuya yú t'ũhni gahũ Oja. Ne hinga na urcahũ hague dán jahũ m'bejua. Pe nu'bũ bi nequi 'be'a da 'yørcahũ, dí pãhmbũ dan jahũ tengu ra Cristo, nguetho da zã ga pãhmbũ hague majuãni in ja a ra Cristo. <sup>3</sup>Ne n'da ngu n'dajũ 'bũ dí tømhbũ dan jahũ tengu ra Cristo, janangue'a dadín hoc zehẽ ma mbũihũ, dín ndehũ da gohi xũn ho tengu ra Cristo. <sup>4</sup>Nu'a to'o øt' ra ts'oqui i festhoho rán t'ɛdi Oja, nguetho nu'a ra ts'oqui nam bøni ram fe'ts'i nangue yũn t'ɛdi. <sup>5</sup>Pe dí pãhmbũ bi zøcua ra Cristo gue di 'berca ma ts'oquihũ. Ne nu'a ra Cristo hin'yũ rá ts'oqui a. <sup>6</sup>Nu'bũ zai 'bũhmi ra Cristo n'da, hingui nde da 'yøt' yũ ts'oqui a. Pe nu'bũ bin zãm bũ ja yũ ts'oqui n'da, njãm'bũ bi cũt' rá mbui hague in ja a ra Cristo, ne njãm'bũ bi ndepe di hocpa rá mbui. <sup>7</sup>Ma zi t'ũhni ahũ, njon gui jafũ da hyã ahũ, nguetho hønt'u gue zai øt' ran ho bi mba mahoqui u ne xũn ho u tengu ra Cristo. <sup>8</sup>Pe nu'a zai øt' ran ts'o, rá 'yɛhe ra zĩthu a. Nguetho nu ra zĩthu zai øt' ra ts'oqui gue'bũ go rá mbúdi thofo. Ne gue'a í zøcua ja ra ximhãi rá Ts'unt'u Oja, gue di ts'onba rá 'befi ra zĩthu. <sup>9</sup>Nu'u to'o bim 'bũi mahøn'a nangue Oja, hingan zai øt yũ ts'oqui u, nguetho í hyãxta Oja yú ta gue ra hogambũ. Hingui sã din zãm bũ ja yũ ts'oqui

nguetho bim 'bui mahøn'a nangué Oja. <sup>10</sup>Da zä ga pãhmbu nda'u yú t'uhni Oja ne nda'u yú t'uhni ra zïthu. Nguetho nu'u to'o bin zãm bu ja ra ts'oqui, ne hin dí huçé yú cu, hing yú t'uhni Oja u.

#### Dan huçju n'da ngu n'daju

<sup>11</sup>Nguetho guehna ran t'edi bi siju 'bu rá mbüdi dá pãhmbu ra Cristo, ngue dan huçju n'da ngu n'daju.

<sup>12</sup>Ne hin ga øthu a bi 'yøt'a ra Caïn gue í hyaxta a rá m 'bäi ra zïthu ne bi hyo rán 'yohu. Hanja ngue bi hyo a. Nguetho hingui ho rá mbüi a, janangué'a bi hyo rán 'yohu ngue xun ho rá mbüi a. <sup>13</sup>Janangué'a, ma zi cu ahü, hin ga hyonya thohohu ngue'bu di ugahu yu ja'i i ten ra ximhäi. <sup>14</sup>Pe nuju dí pãhmbu dá sohmbu rá ts'edi ran ðate, ne dá sømhbu bu ja rá ts'edi ra te. Guehna dí pãhmbu nguetho dadí huçé ma mi'yec'yeihu. Nu'a to'o hin'yü rán huçcate, bin zãm bu ja rá ts'edi ran ðate a. <sup>15</sup>Nu'a to'o di up rá cu, ra hyodu a. Ne dí pãhmbu njo'o n'da ra hyodu i ja ra 'da'yote mazai. <sup>16</sup>Pe nu ra Cristo bi 'yurcahu 'be'a njuantho ran huçcate, ngue bi dase rá te nanguéju. Ne jatho ngutho ga øthu, hin ga su ga dä ma tehu guerpü da zä ga fãx ma cuhu. <sup>17</sup>Pe nu'a to'o i ja 'be'a i pe'ts'i, ne i paði hin'yü 'be'a da hyon a rá cu, ne nu'bu hingui ørpa ran huçcate, hingui bñni da numanho Oja a 'bu. <sup>18</sup>Ma zi t'uhni ahü, hinga høntho gam manthohu ran huçcate, pe guemhma ga øthu a.

#### Dadín johyahu 'bu dí yahü Oja

<sup>19</sup>Ne nu'bu majuani dí øthu ran huçcate, janangué dí pãhmbu yú

t'uhnigahu a Majuani, ne gue'a nan johyahu bu ja rá hmi a. <sup>20</sup>Pe nu'bu ga juanba zehé ma mbüihü, pe da hyurca ma mbüihü Oja, madague'bu i paði 'be'a gätho dá øthu, nguetho man'da ja rán huçcate xinda gueju. <sup>21</sup>Janangué'a ma zi cu ahü, nu'bu hin te dí tïmhbu ja ma mbüihü a xun ts'o, dadín johyahu ngue dí pãhmbu dí yamanhohu Oja, <sup>22</sup>ne di 'daju 'be'a gätho dí äfu 'bu dí yahü, nguetho dí ørpa yün t'edi, ne dí ørpa gätho i numanho. <sup>23</sup>Ne i ja ua yün t'edi Oja, gue ga ec'yeihu rá Ts'unt'u, ra Jesucristo, ne dan huçju n'da ngu n'daju, tengu bi xiju. <sup>24</sup>Ne nu'a to'o i ørpa yün t'edi, i 'buhmi Oja ne bim 'burü Oja bu rá mbüi a büya. Ne dí pãhmbu dí 'buhmbu Oja, nguetho gue'a di bengahu rá Hogandähi bi 'daju.

#### Nda'a rá m Hman Oja, ne nda'a rá m hman a rán süiui Oja

**4** Ma zi cu ahü, hingui sä ga ec'yeihu 'be'a gätho ním hma embi rá m hman Oja. Pe i jatho ga pãhmbu 'bu majuani ngue gue'a rá m hman Oja, uague hin'na. Nguetho xun ngu yu hyäte pøngahya i 'youa ja ra ximhäi. <sup>2</sup>Ne nu'a jatho ga pãhmbu nda'a ním hma bi bñba rá Hogandähi Oja, nu'bu im ma ngue rá Thahni Oja ngue bin ja'i ne gue'a ra Jesucristo a, gue'a ram hma bi bñba rá Hogandähi Oja a büya. <sup>3</sup>Pe to'o gätho ngue ñna hin bin ja'i a rá Thahni Oja gue ra Jesucristo, pe nu'a ra hyäte a 'bu, nguetho bi thocpa rá m hman a rán süiui ra Cristo. Xtá øhmbu ngue din 'yo

ua rám hma, ne ya i 'yo ua rám hman a ya. <sup>4</sup>Ma zi t'uhni ahü, yú t'uhnigahü Oja. Ya dá tafu u yu hyäte pøngahya, nguetho nu'a dí 'buhmbü, man'da ja rá ts'edi a xinda gue'a rán suiui Oja, ngue i 'bucua ja ra ximhäi. <sup>5</sup>Nu yu hyäte pøngahya, yú mbefi ra ximhäi u, ne guecua ja ra ximhäi bi nequida yúm hman u, janangue'a i ømanho ra ximhäi 'be'a im man u. <sup>6</sup>Pe nuju yú t'uhnigahü Oja. Janangue'a hønt'a to'o i pa a Oja i ømanho ma hmamhbü u. Pe nu'u ngue hin yú t'uhni Oja, hingui ømanho ma hmamhbü u. Guepu na pähmbü büya nda'a i ten'na majuani, ne nda'a i ten'na him majuani.

#### Ran huçcate a Oja

<sup>7</sup>Ma zi cu ahü, nde'bu dan huçju n'da ngu n'daju. Nguetho nu ran huçcate bí 'yepu 'bu Oja. Ne nu'a di huç rá mijá'iuui, gue'a bim 'bui ma'da'yo nangue Oja, ne dim pähmi Oja a. <sup>8</sup>Pe nu'a hin'yü rán huçcate, hingui pa a Oja a, nguetho nu'a Oja ran huçcate a. <sup>9</sup>Oja bi 'yurcahu ran huçcate 'bu mambá penhua ja ra ximhäi rá 'dats'unt'u bi yanju, n'dahma din jajü ra 'da'yote. <sup>10</sup>Oja bi 'yurcahu ran huçcate ngue majuani, nguetho bá penhua rá Ts'unt'u ngue bin dæse bi gurca ma ts'oquihu. Ne mada hangu gam bæmhü Oja, pe njam'bu da zä gam bæmhü, tengu bu nam bænju. <sup>11</sup>Ma zi cu ahü, nu'bu emme xun ngu rán huçcate bi 'yørgahü Oja, nde'bu nejü dan huçju n'da ngu n'daju. <sup>12</sup>Hingui sä gan nuhü Oja nangue ma dähü. Pe mfaði bin zäm bu ja ma mbuihü 'bu dadín huçju. Ne bi bømanho rán huçcate i ørchü büya.

<sup>13</sup>Dí pähmbü ngue dí 'buhmbü Oja, ne nu Oja bin zäm bu ja ma mbuihü. Guehna dí pähmbü, nguetho bi 'daju rá Hogandähi, <sup>14</sup>neje dí bæ'n'nahü nguetho dá nusehe rá Ts'unt'u Oja, ne dí mamhbe majuani bá penh Oja ua ja ra ximhäi gue da yanba yú te yu ja'i. <sup>15</sup>Nu'a to'o im ma ngue rá Ts'unt'u Oja a ra Jesús, nu'a Oja bin zäm bu ja rá mbui, ne nu'a ra ja'i xim mi 'buhmi Oja a. <sup>16</sup>Dín nuhü rán huçcate Oja, nguetho dí çc'yeibahü a. Nu Oja ran huçcate a. Nu'a to'o zai çc'yei rán huçcate Oja, ne'bu zai di huç rá mijá'iuui, nu'a i 'buhmi Oja a, ne Oja bin zäm bu ja rá mbui a. <sup>17</sup>Ne nangue dí 'buhmbü Oja dí pähmbü xun ho rán huçcate. Janangue'a dan johyahü 'bu bi zøn ra pa din ja ran juanbi. Nguetho dí 'buhmbü tengutho ma Hmuhü ra Cristo i 'buhmi Oja, madague'bu guexta dí 'buhmbü ua ja ra ximhäi. <sup>18</sup>Nu'a to'o i su ran juanbi, i su nguetho hinga na paði xun ho ran huçcate i ørpa Oja. Pe nu rán huçcate Oja di 'uec'a ra mbidi a. Pe nu'bu dín suhü, dí çmhü di unghahü Oja 'bu. <sup>19</sup>Dí øthu ran huçcate, nguetho m'bet'o bi huçgahü Oja. <sup>20</sup>“Dí numanho Oja,” sä dí çmhü, pe dadí ep ma cuhü. Dí fehnihü 'bu. Nguetho nu'bu hin dadí huç ma cuhü gue zant'a dín nuhü, hague dán zä ga numanhohü Oja gue njam'bu dín nuhü. <sup>21</sup>Ne jaua rán t'edi Oja, bi xiju: “Nu'a to'o da numanho Oja, pe i jatho ngue ne'a rá cu da numanho, ne di huçqui.”

#### Dí tafu ra ximhäi nangue ma t'çc'yeihu

**5** Nu'u to'o gätho i çc'yei gue bin ja'i Oja ne n'dat'a ra

Jesucristo a, yú t'uhni Oja ɰ. Ne gátho to'o i numanho Oja ne'u yú t'uhni Oja di huɛc'u nguetho n'dat'a Oja yú Ta. <sup>2</sup>Ne nu'bu majuaŋi dín numanhohu Oja, ne'bu dí ɔthu yún t'ɛdi, dí paɣmbu buya ngue majuaŋi dadí huɛc ma cuhu. <sup>3</sup>Ne nu'bu majuaŋi dín numanhohu Oja, ga ɔthu yún t'ɛdi, ne nu'u yún t'ɛdi hingui hej. <sup>4</sup>Nguetho nu'u to'o bim 'bui ma'da'yo nangue Oja bin t'un ra ts'edi rá mbui gue da ɗap ra ximhäi. Ne dí tafu rá ts'edi ra ximhäi nangue dí ɛc'yeihu ra Cristo. <sup>5</sup>To'o ngue i tap rá ts'edi ra ximhäi. Nu'a gue i ɛc'yei ngue rá Ts'unt'u Oja a ra Jesús.

**Rá Hogandähi Oja di bɛngahu  
rá Ts'unt'u Oja a ra Jesús**

<sup>6</sup>Nu ra Jesucristo bi zocua ja ra häi. Bin xixya ra dehe a. Ne n'dat'a gue bi mbän rá ji 'bu mi du a. Ne hinga hont'a ngue bin xixya ra dehe, pe ne bi mbän rá ji, ngue bi du. Nu'a ra Jesucristo, rá Thahni Oja a. Gue'a im ma majuaŋi rá Hogandähi Oja nguetho hingui sä dim fehni a. <sup>7</sup>Hyu ɰ bí 'buh mahɛts'i im ma majuaŋi gue rá Ts'unt'u Oja a ra Jesucristo. Nu'a n'da, ra Ta, nu'a n'da ram Hma, nu'a n'da rá Hogandähi Oja, ne n'dat'a im man'u. <sup>8</sup>Ne hyu ɰ i urcahu majuaŋi ua ja ra ximhäi gue rá Ts'unt'u Oja a ra Jesucristo. Nu'a n'da, rá Hogandähi Oja, nu'a n'da rán xixya ra Jesucristo, nu'a n'da, rán ɗate ra Jesucristo. Ne gátho ɰ hyu n'dat'a i urcahu. <sup>9</sup>Dí ɛc'yeihu yúm hman yu ja'i 'bu majuaŋi, pe man'da ja ts'edi tho ga ɛc'yeihu rá hman Oja. Ne bi man Oja gue

rá Ts'unt'u a ra Jesús. <sup>10</sup>Nu'a to'o ɛc'yei rá Ts'unt'u Oja, i paɛ mbo rá mbui gue majuaŋi a. Pe nu'a to'o hingui ɛc'yei, i nubethäni Oja a 'bu, nguetho hingui ɛc'yei a bi man Oja nangue rá Ts'unt'u. <sup>11</sup>Ne i jaua a ram hma ngue bi ma, gue Oja bi 'daju ra 'da'yote mazäi 'bu má ɛc'yeihu rá Ts'unt'u. <sup>12</sup>Nu'a 'buhmi rá Ts'unt'u Oja, i ja ra te ma'da'yo a, pe nu'a hingui 'buhmi rá Ts'unt'u Oja, hingui ja ra te ma'da'yo a.

**Dí paɣmbu dí peshu  
ra 'da'yote mazäi**

<sup>13</sup>Janangue'a dí ot'ahu gyu 'yeɛc'yeihu a rá Ts'unt'u Oja, n'dahma gui paɣmbu i jaju ra 'da'yote. <sup>14</sup>Ne dadín johyahu gue dan yaɣu Oja, dí paɣmbu i numanhoju. Ne nu'bu dín theui rá pähä Oja a dí ähmbu, dí paɣmbu i ɔmanho 'bu dí yaɣu a. <sup>15</sup>Ne nu'bu dí paɣmbu ngue ɔmanho, ga paɣmbu gue da 'yot'a dí ähmbu 'bu. <sup>16</sup>Nu'bu dín nuhu n'da ma cuhu i ɔt' ra ts'oqui, ngue him má zä bi hyax ra ts'o'yu, ga äfu rá mate Oja nangue a. Nu Oja buya di japi ba pengui to'o bi 'yot' ra ts'oqui. Pe nu'bu 'bo'o má zä bi hyax ra ts'o'yu, pe hin dí ɛn ahü ga äfu rá mate Oja nangue a. <sup>17</sup>Gátho ɰ hing yún thehu i ɔt'a n'da, ra ts'oqui a. Pe ja'bu ɔt' ra ts'oqui n'da him má zä bi hyax ra ts'o'yu, janangue'a ga äfu Oja buya. <sup>18</sup>Dí paɣmbu to'o gátho bim 'bui ma'da'yo nangue Oja, hin dín zám bu ja yu ts'oqui a. Nguetho i fäh rá Ts'unt'u Oja a, ne hingui sä di 'uec'a ra zı̄thu bu 'bu Oja a. <sup>19</sup>Ne dí paɣmbu ngue yú t'uhnigahu Oja. Ne dí paɣmbu

i o rá ts'edi ra zı̄thu ʌ gätho mi'da  
 i 'bæcua ja ra ximhäi. <sup>20</sup>Nujə dí  
 pə̄hmbə bi zøcua ja ra ximhäi rá  
 Ts'ənt'ə Oja, nə nu'a bi jajə dá  
 pə̄hmbə a majuəni. Nə dí 'bə̄hmbə  
 a majuəni nguetho dí 'bə̄hmbə ra

Jesucristo. Nə gue'a majuəni Oja  
 a, nə gue'a di 'dajə ra 'da'yote ma  
 mbəihə a gue njəm'bə da guadi.  
<sup>21</sup>Ma zi t'ə̄hni ahə, hin ga ɛc'yəihə  
 yə hyäte oja. Nə hə̄nt'a dí xi ahə  
 ya.